

四庫全書

集部

# 欽定四庫全書

集部

御定全唐詩卷四百八十一至三

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官中書臣高 中

謄錄監生臣陳國遠

欽定四庫全書

御定全唐詩卷四百八十一

李紳

七年初到洛陽寓居宣教里時已春暮而四老  
俱在洛中分司

青衫滿地無三徑白髮緣

一作

頭忝四人官職謬齊商

嶺密姓名那重漢廷臣聖朝寡罪容衰齒愚叟多慙未  
退身惟有門人憐鈍拙勸教沈醉洛陽春

初秋忽奉詔除浙東觀察使檢校右貂

龍樓寄引簪裾客鳳闕陪趨朔望朝疎受杜門期脫屣  
買臣歸邸忽乘軺印封龜紐知頒爵冠飾蟬綏更珥貂  
飛詔寵榮歡里舍豈徒斑白與垂髫

憶至鞏縣河宿待家累追懷

鞏樹翻紅秋日斜水分伊洛照餘霞弓開後騎低初月  
鶚駐前旌拂暮鴉閨信坐遲青玉案弄兒閒望白羊車  
今來憶事涼風晚烟浦空悲黃

一作寒

菊花

宿揚州

江橫渡濶烟波晚潮過金陵落葉秋嘹唳塞鴻經楚澤  
淺深紅樹見揚州夜橋燈火連星漢水郭帆檣近斗牛  
今日市朝風俗變不須開口問迷樓

憶被牛相留醉州中時無他賓牛公夜出真珠

輦數人

余有換樂曲詞時  
小有傳於歌者

嚴城畫角三聲閉清宴金樽一夕同銀燭坐隅聽子夜  
寶箏筵上起春風酒徵舊對慙衰質曲換新詞感上宮

公一作淮海一從雲雨散杳然俱是夢魂中

早渡楊子江

時王璠在浙西

日衝海浪翻銀屋江轉秋波走雪山青嶂迴開蹲虎戍  
碧流潛伏躍龍關地分吳楚星辰內水迫滄溟宇宙間  
焚却戍船無戰伐使知風教被烏蠻

憶過潤州

元和二年余以前進士為鎮海軍書奏從事秋九  
月兵亂余以不從書奏飛檄之詐一作遭庶人李

綺暴怒腰領不殊者再三後軍平尚書李公欲具  
事以聞余以本乃誓節非欲求榮請罷所奏

昔年從宦干戈地黃綬青春一魯儒弓犯控弦招武旅

一作族

劒當抽匣問狂夫帛書投筆封魚腹玄髮衝冠捋

虎鬚談笑謝金何所媿

一作貴

不為偷買用兵符

憶登樓

一作西

霞寺峰

效梁簡丈一本下有懷望二字

香印烟火息法堂鐘磬餘紗燈耿晨焰釋子安禪居林  
葉脫紅影竹烟含綺疎星珠錯落耀月宇參差虛顧眺

匪恣適曠襟懷卷舒江海淼清盪丘陵何所如滔滔可  
問津耕者非長沮茅嶺感仙客蕭園成古墟移步下碧  
峰涉澗更躊躇烏噪一作戲啄秋果翠鷺銜素魚迴塘彩

鷁來落景標

一作在

林筵漾漾棹翻月蕭蕭風襲裾勞歌

起舊思戚

一作感

歎竟難

一作誰

攄却數共遊者凋落非里

問

憶萬歲樓望金山

里言金山有龍盤護吳志云金陵虎踞又云萬歲



樓往年清夜浮於江中有宿樓者覺之金鑠縻於

城上

樓高雉堞千師壘峰拔驚波萬壑攢山絕地維消虎踞  
水浮天險尚一作上龍盤蜃嘘雲拱飛江島鰲噴仙巖隔  
海瀾長對碧波臨古渡幾經風月與悲歡

過梅里七首  
家於無錫四十載今敝廬數堵猶  
存今列題於後

上家山

山即惠山

余頃居梅里常於惠山肄業舊室猶在垂白重遊  
追感多思因效吳均體

上家山家山依舊好昔去松桂長今來容鬚老上家山  
臨古道高低入雲樹蕪沒連天草草色綠萋萋寒蛩徧  
草啼噪鴉啼樹遠行雁帖雲齊品光翻落日僧火開經  
室竹洞磬聲長松樓鐘韻疾苔階泉溜缺石甃青莎密  
舊徑行處迷前交坐中失歎息整華冠持杯強自歡笑  
歌憐稚孺絃竹縱吹彈山明溪月上酒滿心聊放髣髴

此淹留垂絲匪閒曠青山不可上昔事還惆悵況復白  
頭人追懷空望望

憶東郭居

效丘  
遲

昔余過稚齒從師昧知奧徒懷利物心不獲藏身寶  
曳婁一縫掖出處勞昏早醒醉迷啜哺衣裳辨顛倒忠誠  
貫白日直已憑蒼昊卷舌墮讒諛驚波息行潦衰禽識  
一作息舊木疲馬知歸道楊柳長庭柯蘭茝覆階草旌旄  
光里舍騎服歡妻嫂綠鬢絕新知蒼鬚稀舊老冠綏身

忝貴齋沐心常禱笙磬諒諧和庭除還灑掃栖遲還竹  
巷物役浸江島倏忽變星霜悲傷滿衷一作懷抱

憶題惠山寺書堂

故山一別光陰改秋露清風歲月多松下壯心年少去  
池邊衰影老人過白雲生滅依巖岫青桂榮枯託薜蘿  
惟有此身長是客又驅旌旆寄烟波

憶西湖雙鷗鵲

效鮑明遠

雙鷗鵲錦毛爛斑長比翼戲繞蓮葉迴錦臆照灼花叢

兩相得漁歌驚起飛南北繚繞追隨不迷惑雲間上下  
同棲息不作驚禽遠相憶東家少婦機中語剪斷迴文  
泣機杼徒嗟孔雀銜毛羽一去東南別離苦五里裴回  
竟何補

早梅橋

早梅花滿枝發東風報春春未徹紫萼迎風玉珠裂楊  
柳未黃鶯結舌委素飄香照新月橋邊一樹傷離別遊  
蕩行人莫攀折不競江南豔陽節任落東風伴春雪

翡翠塢

翡翠飛飛繞蓮塢一啄嘉魚一鳴舞蓮莖觸散蓮葉欹  
露滴珠光似還浦虞人掠水輕浮弋翡翠驚飛飛不息  
直上層空翠影高還向雲間雙比翼彈射莫及弋不得  
日暮虞人空歎息

憶放鶴

頃年無錫閒居里人獻鶴雛余馴養之周歲羽毛  
既成見其宛頸長鳴有煙霄之志開籠放之一舉

冲天復迴翔久之乃去

羽毛似雪無瑕點  
顧影秋池舞白雲  
閒整素儀三島近  
迴飄清唳九霄聞  
好風順舉應摩日  
逸翮將成一作翔莫

戀羣凌勵坐看空碧外更憐鳬鷺老江濱

過吳門二十四韻

煙水吳都郭  
閶門架碧流  
綠楊深淺巷  
青翰往來舟  
朱戶千家室  
丹楹百處樓  
水光搖極浦  
草色辨長洲  
憶作

一作昨

麻衣翠

一作日  
一作客

曾為旅棹遊  
放歌隨楚老  
清宴奉

諸侯

貞元中余以布衣多遊吳郡中韋夏卿首為知遇常陪宴席踐平仲李季何劉從周恭母咸十餘輩

日同杯酒及余以太和七年領鎮會稽則當時賓客羣吏樂徒寺僧里客無一人存者至于韋公子凋喪畧盡

花寺聽鶯入春湖看雁留里吟傳綺唱鄉語認飲謳橋

轉攢虹飲

一作影

波通關鷁浮竹扉梅圃靜水巷橘園幽

縫堵荒麋苑穿巖破虎丘舊風猶越鼓餘俗尚吳鉤故

館曾閒訪遺基

一作飛

亦徧搜吹臺山木盡香徑佛宮秋

帳殿孤蒲掩雲房露霧收亭蘿妖覆

一作廢

滅荆棘鬼包

羞風月俄黃綬經過半白頭

元和七年余以校書郎從後再至蘇州時范十五傳



正為郡而貞元中賓客散落半已殂謝及宴而  
伶人酒徒悉往日者問僧惟令起二人已疾  
重來冠

蓋客非復別離愁

太和七年余鎮會稽劉禹錫為郡則  
元和中蘇州相識知與不知索然皆

畫河柳衰謝邑居更  
易乃甚令感之歎也候火分通陌前旌駐外郵水風搖

綵旆堤柳引鳴騶問吏兒孫隔呼名禮敬修顧瞻殊宿

昔語默過悲憂義感心空在容衰日易偷還持滄海詔

從此布皇猷

杭州天竺靈隱二寺頃歲亦布衣一遊及赴鎮

會稽不敢以登臨自適竟不復到寺寺多猿猱

謂之孫團彌長其類因追思為詩二首

此寺殷富

翠巖幽谷高低寺十里松風碧嶂連  
開盡春花芳草澗  
偏通秋水月明泉  
石文照日分霞壁  
竹影侵雲拂暮煙  
時有猿猱擾鍾磬  
老僧無復得安禪

人煙不隔江城近  
水石雖清海氣深  
波動只觀羅刹相  
靜居難識梵王心  
魚扃畫鏤龍宮寶  
雁塔高摩欲界金  
近日尤聞重雕飾  
世人遙禮二檀林

渡西陵十六韻

七年冬十有三日早渡浙江寒雨方霖軍吏悉在  
江次越人年穀未成霪雨不止田畝浸溢水不及  
穗者數寸余至驛命押衙裴行宗先齎祝辭東望  
拜大禹廟且以百姓請命雨收雲息日朗者三旬  
有五日刈穫皆畢有以見神之不欺也

雨送奔濤遠風收駭浪平截流張旆影分岸走鰲聲獸  
逐銜波湧龜艣噴棹輕海門凝霧暗江渚濕雲橫雁翼  
看舟子魚鱗辨水營騎交遮戍合戈簇擁沙明謬履一

夫長將詢百吏情下車占黍稷冬雨害梁盛望禱依前  
聖垂休冀厚生半江猶慘澹全野已澄清愛景三辰朗  
祥農萬庾盈浦程通曲嶼海色媚重城弓日鞬橐動旗  
風虎豹爭及郊揮白羽入里卷紅旌愷悌思陳力端莊  
冀表誠臨人與安俗非止奉師貞

新樓詩二十首

到越州日初引家累登新樓望鏡湖見元相微之  
題壁詩云我是玉京天上客謫居猶得小蓬萊四

面尋常對屏障一家終日在樓臺微之與樂天此時只隔江津日有酬和相答時余移官九江各乖音問頃在越之日荏苒多故未能書壁今追思為新樓詩二十首

新樓

戎容罷引旌旗卷朱戶褰開雉堞高山聳翠微連郡閣地臨滄海接靈鼇坐疑許宅驅雞犬笑類樊妻化羽毛惆悵桂枝零落促莫思方朔種仙桃

海榴亭

在新樓北花開  
最早所望更高

海榴亭早開繁榮光照晴霞破  
碧煙高近紫霄疑  
菡萏迴依江月半  
嬋娟懷芳不作翻  
風艷別萼猶含泣  
露妍搖落舊叢雲  
水隔不堪行坐數  
流年

望海亭

在卧龍山頂上  
越中最高處

烏盈兔缺天涯迴  
鶴背松梢拂檻低  
湖鏡坐隅看匣滿  
海濤生處辨雲齊  
夕嵐明滅江帆小  
煙樹蒼茫客思迷  
蕭索感心俱是夢  
九天應共草萋萋

杜鵑樓

七年冬所造自西軒延架城隅樓前植其杜鵑  
因以為名宴遊多在其上

杜鵑如火千房圻丹檻低看晚景中繁艷向人啼宿露  
落英飄砌怨春風早梅昔待佳人折好月誰將老子同  
惟有此花隨越鳥一聲啼處滿山紅

滿桂樓

八年春造架州城西南臨眺於外盡見湖山別

開水扉通杜鵑樓不啟重扃清夜可以閒宴因  
以滿桂為名也

為憐湖水通宵望不學樊楊却月樓惟待素規澄滿鏡  
莫看纖魄挂如鉤卷簾方影侵紅燭繞竹斜暉透碧流  
蕭瑟曉一作晚風聞木落此時何異一作似洞庭秋

東武亭

亭在鏡湖上即元相所建亭至宏敞春秋為競  
渡大設會之所余為增以板檻延入湖中足加



步廊以列環衛

綠波春水湖光滿  
丹檻連楹碧嶂遙  
蘭鷁對飛漁棹急  
彩虹翻影海旗搖  
闐疑斑虎歸三島  
散作遊龍上九霄  
鼉鼓若雷爭勝負  
柳堤花岸萬人招

龍宮寺

此寺摧毀積歲貞元十六年余為布衣東游天  
台故人江西觀察使崔公以殿中謫官移疾剡  
溪崔公坐中有僧人修真自言居龍宮寺起謂

余言異日

一本此下有必當鎮北四字

為修此寺時以狂易

之言不之應僧相視久之而退至元和二年余

以前進士為故薛草

一作革

常侍招至越中此僧

已卧疾使門人相告曩日所言必當鎮此修寺

之託幸不見忘僧又偶言寺中靈祇所相告耳

余問疾而已不能對及後符其言而訊其存沒

則僧及門人悉已殂謝寺更頽毀惟荒基餘像

而已因召僧人會真余出俸錢為葺之累月而

畢以成其往願

銀地溪邊遇衲師  
笑將花宇指潛知  
定觀玄度生前事  
不道靈山別後期  
真相有無因色界  
化城興滅在蓮基  
好令滄海龍宮子  
長護金人舊浴池

禹廟

削平水土窮滄海  
畚鍤東南盡會稽  
山擁翠屏朝玉帛  
穴通金闕架雲霓  
秘文鏤石藏青壁  
寶檢封雲化紫泥  
清廟萬年長血食  
始知明德與天齊

晏安寺

寺在州城東北隅越中謂之小北邙

寺深松桂

一作徑

無塵事地接荒郊帶夕陽啼鳥歇時山

寂寂野花殘處月蒼蒼絳紗凝焰

一作艷

開金像清梵銷

聲閑竹房邱壠漸平連茂草九原何處不心傷

龜山

在鏡湖中山形如龜山上有寺名永安則元相

所移置者

一峰凝黛當明鏡十仞喬松倚翠屏秋月滿時侵鬼魄  
素波搖處動龜形舊深崖谷藏仙島新結樓臺起佛局  
不學大蛟憑水怪等閒雪一作雷雨害生靈

重臺蓮

綠荷舒卷涼風曉紅萼開繁紫萼一作雙重游一作雙女漢皋爭笑

臉二妃湘浦並一作對愁容自含秋露貞姿結一作潔不競春

妖冶態穠終恐玉京仙子識却將一作持歸種碧池峰一作中

橘園

江城霧斂輕霜早，園橘千株欲變金。朱實摘時天路一作

露

近素英飄處，海雲深懼同。枳棘愁遷徙，每抱馨香委

照臨。憐爾結根能

一作宜

自保，不隨寒暑換貞心。

### 寒林寺

寺在城郭最囂煩處，自有一峰巖壑皆入寺中。

最深城郭在人煙，疑借壺中到梵天。巖樹桂花開月殿，  
石樓風鐸繞金仙。地無塵染多靈草，室鑒真空有定泉。  
應是法宮傳覺路，使無煩惱見青蓮。

北樓櫻桃花

開花占得春光早  
雪綴雲裝萬萼輕  
凝艷拆時初照日  
落英頻處乍聞鶯  
舞空柔弱看無力  
帶月蔥蘢似有情  
多事東風入閨闥  
盡飄芳思委江城

城上薔薇

薔薇繁艷滿城陰  
爛漫開紅次第深  
新藥度香翻宿蝶  
密房飄影戲晨

一作新

禽實閨織婦慙詩句  
南國佳人怨

錦衾風月寂寥思  
往事暮春空賦白頭吟

南庭竹

東南舊美凌霜操五月凝陰入坐寒煙惹翠梢含玉露  
粉開春籜聳琅玕莫令戲馬童兒見試引為龍道士看  
知爾一作須信結根香實在鳳皇終擬下雲端

琪樹

琪樹垂條如弱柳結子如碧珠三年子可一熟  
每歲生者相續一年綠二年碧三年者紅綴於  
條上璀璨相間



石橋峰上栖玄鶴碧闕

一作洞

巖邊蔭羽人冰葉萬條垂

碧實玉珠千日保青春月中泣露應同浥澗底侵雲尚

有塵徒使茯苓成琥珀不為松

一作枯

老化龍鱗

一本第三聯缺

第七句作長向月中清泣露

海棠

一本下有梨字

海邊佳樹生奇彩知是仙山取得栽瓊藥籍中聞閬苑  
紫芝圖上見蓬萊淺深芳萼通宵換委積紅英報曉開  
寄語春園百花道莫爭顏色泛金杯

水寺

煙波野寺經過處  
水國蒼茫夢想中  
雲散浦間江月迴  
日曛洲渚海潮通  
坐看魚鳥沈浮遠  
靜見樓臺上下同  
聞道化城方便喻  
只應從此到龍宮

靈汜橋

靈汜橋邊多感傷  
分明湖派繞迴塘  
岸花前後聞幽鳥  
湖月高低怨映一作綠楊  
能促歲陰惟白髮  
巧乘風馬是春光  
何須化鶴歸華表  
却數凋零念越鄉

若耶溪

西施採蓮歐冶鑄劍所

嵐光花影繞山陰  
山轉花稀到碧潯  
傾國美人妖艷遠  
鑿山良冶鑄鑪深  
凌波莫惜臨妝面  
瑩鍔當期出匣心  
應是蛟龍長不去  
若耶秋水尚沈沈

登

一作祭

禹廟迴降雪五言二十韻

此詩一首在越所作今編入卷內  
大和八年十月  
冬暄無雪自訪禹廟所  
一作祈  
禱其日迴舟至湖半

陰雲四合飛霰大降者三日積雪盈尺浙江中流  
乃分陰雪杭州並無所霑

金奏雲壇畢同雲拂雪

一作海

來玉田千畝合瓊室萬家

開湖暗冰封鏡山明樹變梅裂繒分井陌連壁混樓臺  
麻引詩人興鹽牽謝女才細疑歌響盡旋作舞腰迴著  
水鷺毛失鋪松鶴羽摧半崖雲掩映當砌月裴回遇物  
纖能狀隨方巧若裁玉花全綴萼珠蚌盡呈胎志士書  
頻照鮫人杼正催妬妝凌粉匣欺酒上瓊杯海使迷奔

轍江濤認暗雷疾飄風作馭輕集霰為媒劍客休矜利  
農師正念摧瑞彰知有感靈貺表無災堯歷占新慶虞  
階想舊陪粉凝鸞閣下銀結鳳池隈鷄樹花驚笑龍池  
絮欲猜勞歌會稽守遙祝永康哉

題法華寺五言二十韻

注內缺一字

此一首亦在越所作寺內靈異隨注其下以越人  
題詩者前後皆不備言今編于追昔遊卷中寺內  
瘕禪師草廬持經感普賢見於前

花界無生地慈宮有相天化娥騰寶像留影閔金仙

寺內

因普賢見身於持經僧前因此置寺殿湧全身塔池開半月泉十峰排碧

落雙澗合清漣

寺前後有十峰迴繞雙澗合流之

藥草經行徧香燈次

第燃戒珠高臘護心印祖僧傳

此寺僧律嚴肅持經皆承師教瓶識先

羅漢衣存舊福田

寺內有約法師水瓶梁朝宮人所製袈裟

幻身觀火宅昏

眼照青蓮住覺超真境依遊渡法船化城珠百億靈跡

冠三千蕭壁將沈影梁薪尚綴煙

寺前昭明太子畫真又梁時薪公影尚在

色塵知有數劫燼豈無年龍噴疑通海鯨吞想漏川

寺內

有梁朝銅龍吐泉銅  
鯨飲水以注諸院

磬疎聞啟梵鐘息見安禪指喻三

車覺開迷五陰纏教通方便入心達是非詮貝葉千花

藏檀林萬寶篇坐嚴獅子迅幢飾網珠懸極樂知無礙

分明應有緣還將意功德

一作功德意

留偈法王前

御定全唐詩卷四百八十一



欽定四庫全書

御定全唐詩卷四百八十二

李紳

宿越州天王寺

太和八年自浙東觀察使又除太子賓客分司東  
都始發州郭越人父老男女數萬攜壺觴至江津  
相送

海隅布政慙期月江上霑巾媿萬人休一作才按簿書懲

黠吏未齊風俗昧良臣壺冰自潔中無玷鏡水非求下  
見鱗清夜佛宮觀色相却歸前老更前身

却渡西陵別越中父老

海潮晚上江風急津吏蒿師語默齊傾手奉觴看故老  
擁流爭拜見孩提慙非杜母臨襄峴自鄙朱翁別會稽  
漸舉雲帆煙水濶杳然鳬雁各東西

却到浙西

出杭州界入蘇州八年浙西六郡災旱百姓饑殍

道路相望米價翔貴是歲浙東大稔因請出米五萬斛賤估以救浙西居人詔下蒙允是歲王璠不奏饑旱反怒隣境所救以為賣已遂與王涯合計誣構罔上奏陳米非官米足私求利及璠伏誅蒙聖恩加察姦邪所罔初入浙西蘇州界吳人以卹災之惠猶懼旌幡留戒於迴野之處不及城郭之所則相率拜泣於舟楫前是歲盧周仁為蘇州刺史

臨平水竭蒹葭死里社蕭條旅館秋嘗歎晉郊無乞糴  
豈忘吳俗共分憂野悲揚目稱嗟食林極翳桑顧所求

苛政尚存猶惕息老人偷拜擁前舟

臨平湖竭鄉人言  
人有饑患是歲中

水竭魚  
鳥皆死

蘇州不住遙望武丘報恩兩寺

秋山古寺東西遠竹院松門悵望同幽鳥靜時侵徑月  
野煙消處滿林風塔分朱雁餘霞外剎對金螭落照中  
官備散寮身却累往來慙謝二蓮宮

迴望館娃故宮

江雲斷續草綿連  
雲隔秋波樹覆煙  
飄雪荻花鋪漲渚  
變霜楓葉卷平田  
雀愁化水喧斜日  
鴻怨驚風叫暮天  
因問館娃何所恨  
破吳紅臉尚開蓮

姑蘇臺雜句

臺今遺跡平蕪連  
接靈巖寺採香徑  
響廊皆在寺內  
越書稱越王獻吳王  
黃金樓楣吳王因造  
姑蘇臺因獻楣遂以  
黃金畫飾樓以破其國

越王巧破夫差國來獻黃金重雕刻西施醉舞花艷傾  
妬月嬌娥恣妖惑姑蘇百尺曉鋪開樓楣盡化黃金臺  
歌清管咽歡未極越師戈甲浮江來伍胥抉目看吳滅  
范蠡全身霸西越寂莫千年盡古墟蕭條兩地皆明月  
靈巖香徑掩禪扉秋草荒涼徧落暉江浦迴看鷗鳥沒  
碧岑斜見鷺鷥飛如今白髮星星滿却作閒官不閒散  
野寺經過懼悔尤公程迫蹙悲秋館吳鄉越國舊淹留  
草樹煙霞昔徧遊雲木一作外夢迴一作魂多感歎不惟惆

帳至長洲

開元寺

一本下有石字

此寺多太湖石有峰巒奇狀者頃年多遊寓於此  
及太和七年往來皆不復到寺中石大半亦無也  
十層花宇真毫相數仞峰巒閼月扉攢立寶山中色界  
散周香海小輪圍坐隅咫尺窺巖壑窗外高低辨翠微  
難保爾形終不轉莫令偷拂六銖衣

臯橋

伯鸞憔悴甘飄寓非向囂塵隱姓名鴻鵠羽毛終有志  
素絲琴瑟自諧聲故橋秋月無家照古井寒泉見底清  
猶有餘風未磨滅至今鄉里重和鳴

眞娘墓

吳之妓人歌舞有名者死葬於吳虎丘寺前吳中  
少年從其志也墓多花草以滿其上嘉興縣前亦  
有吳妓人蘇小小墓風雨之夕或聞其上有歌吹  
之音



一株繁艷春城盡  
雙樹慈門忍草生  
愁態自隨風燭滅  
愛心難逐雨花輕  
黛消波月空蟾影  
歌息梁塵有梵聲  
還似錢塘蘇小小  
祇應迴首是卿卿

却望

一作到

無錫

一本有望字

芙蓉湖

水寬山遠煙嵐迴  
柳岸縈迴在碧流  
清晝不風鳬雁少  
却疑初夢鏡湖秋

丹橘村邊獨

一作燭一作煙

火微碧流明處雁初飛  
蕭條落葉

一作日 垂楊岸隔水寥寥間擣衣

逐波雲影參差遠  
背日嵐光隱見深  
猶似望中連海樹  
月生湖上是山陰

舊山認得煙嵐近  
湖水平鋪碧岫間  
喜見雲泉還悵望  
自慙山叟不歸山

翠崖幽谷分明處  
倦鳥歸雲一作在眼前  
惆悵白頭為四老  
遠隨塵土去伊川

重到惠山

再到石泉寺內有禪師鑒玄影堂在寺南峰下頃

年與此僧同在惠山十年鑒玄在壽春相訪因追  
舊歡

碧峰依舊松筠老重得經過已白頭俱是海天黃葉信  
西逢霜節菊花秋望中白鶴憐歸翼行處青苔恨昔遊  
還向窗間一作竹窗名姓下數行添記別離愁萬首絕句  
分為二首

鑒玄影堂

香燈寂莫網塵中煩惱身須色界空龍鉢已傾無法雨  
虎牀猶在有悲風定心池上浮泡沒招手巖邊夢幻通

深夜月明松子落儼然聽法侍生公

別石泉

在惠山寺松竹之下甘爽乃人間靈液清澄鑒

一作

見肌骨含漱開神慮茶得此水皆盡芳味

素沙見底空無色青石潛流暗有聲微渡竹風涵淅瀝  
細浮松月透輕明桂凝秋露添靈液茗折香芽泛玉英  
應是梵宮連洞府浴池今化醒泉清

別雙溫樹

往年於惠山書房前手植今已喬柯數尋千雲蔥  
翠蔭日此樹移過江多死有類丹橘

翠條盈尺憐孤秀植向西窗待月軒輕剪綠絲秋葉暗

密扶纖幹夏陰繁故山手種一作植空懷想溫室心知不

敢言看爾拂雲今得地莫隨陵谷改深根

### 重別西湖

東去日前別湖中一作西湖雙鷗鵲翡翠早梅等三題

及西來則鷗鵲翡翠悉皆翔失梅衰秋葉重起前

歎耳

浦邊梅葉看凋落波上雙禽去寂寥吹管曲傳花易失  
織文機學羽難飄雪欺春早摧芳萼隸秋深拂翠翹  
繁艷彩毛無處所盡成愁歎別谿橋

毘陵東山

東山在毘陵驛南連水西館館即獨孤及在郡所  
置荒廢已久至孟公簡重修植以花木松竹等可  
翫孟公在郡日余以校書郎從役同宴於此今則

荒廢仍舊

昔人別館淹留處卜築東山學謝家叢桂半空摧枳棘  
曲池平盡隔煙霞重開漁浦連天月一作日更種春園滿  
地花依舊秋風還寂莫數行衰柳宿啼鴉

建元寺

一作和郭  
鄭寒食

寺在常州東郭

一作常州建元  
寺在郡東郭

松扉竹院各在岡

阜地甚疎通連接郊外每歲寒食里人灑掃經過

之所大歷中詩人郭雲

一作鄭

曾賦寒食詩贈吏部

先兄詩云蘭陵士女滿晴川郊外紛紛拜古塹萬  
井人家初禁火九原松柏自生煙人間後事非前  
事鏡裏今年老去年介子終知祿不及王孫誰復  
更相憐當時以為絕唱嘗在童兒即聞此詩非欲  
繼和蓋紀事因書

江城物候傷心地遠寺經過禁火辰芳草隴邊迴首客  
野花叢裏斷腸人紫荆繁艷空門晝紅藥深開古殿春  
歎息光陰催白髮莫悲風月獨霑巾



却到金陵登北固亭

龍形江影隔雲深，虎勢山光入浪沈。  
潮颭海風驅萬里，

日浮天塹洞千尋。衆峰作限橫空碧，一柱中維徹底

一本

此字缺

金還叱檝師，看五兩莫令辜負濟川心。

望鶴林寺

仍歲往來牽迫，皆不得往。元和初，在故度支尚書

兄賓府，多因閒暇經遊此寺。寺內有木蘭、杜鵑、繁

茂人言至今猶未衰歇。

鶴栖峰下青蓮宇  
花發江城世界春  
紅照日高殷奪火  
紫凝霞曙瑩銷塵  
每思載酒悲前事  
欲問題詩想舊身  
自歎秋風勞物役  
白頭拘束一閒人

宿瓜州

煙昏水郭津亭晚

一作曉

迴望金陵若動搖  
衝浦迴風翻

宿浪照沙低月歛  
殘潮柳經寒露看  
蕭索人改衰容自  
寂寥官冷舊諳唯  
旅館歲陰輕薄是  
涼颼

入揚州郭

潮水舊通揚州郭內大歷已後潮信不通李願詩  
鷓鴣山頭片雨晴揚州郭裏見潮生此可以驗

菊芳沙渚殘花少柳過秋風墜葉疎堤繞門津喧井市  
路交村陌混樵漁畏衝生客呼童僕欲指潮痕問里閭  
非為掩身羞白髮自緣多病喜肩輿

宿揚州水一本無水字館

舟依淺岸一作浦參差合橋映晴虹上下連輕櫂過時搖

水月遠燈繁處隔秋煙却思海嶠還悽歎近涉江濤更

卷四百八十二  
凜然閒凭欄干指星漢尚疑軒蓋在樓船

州中小飲便別牛相

笙歌罷曲辭賓侶庭竹移陰就

一作近

小齋愁不解顏徒

滿酌病非傷肺為憂懷耻矜學步貽身患豈慕醒狂躡  
禍階從此別離長酩酊洛陽狂狷任椎埋

却過淮陰弔韓信廟

功高自弃漢元臣遺廟陰森楚水濱英主任賢增虎翼  
假王徼福犯龍鱗賤能忍恥卑狂少貴乏懷忠近佞人

徒用千金酬一飯不知明哲重防身

却入泗口

洪河一派清淮接堤草蘆花萬里秋煙樹寂寥

一作蒼茫分

楚澤海雲明滅滿

一作見

揚州望深江漢連天遠思起鄉

間

一作闌

滿眼愁惆悵路岐真

一作惟

此處夕陽西沒水東

流

重入洛陽東門

商顏重命伊川叟時事知非入洛人連野碧流通御苑

滿階

一作街

秋草過天津每慚清秩容衰齒猶有華簪寄

病身驅馬獨歸尋里巷日斜行處舊紅塵

拜三川守

開成元年三月二十五日蒙恩除河南尹四月六

日詔下洛陽是月自春不雨已踰六旬此日謝恩

未詣公府馳禱龍祠止九日大降膏澤連霏浹日

時苗頓茂又里巷比多惡少皆免

一作危

帽散衣聚

為羣闕或差肩追繞擊大毬里言謂之打毬語論

士庶苦之車馬逢者不敢前都城為患日久詔下  
之日此輩皆失所在却歸負販之業閭里間無復

前患

恭承寵詔臨伊洛靜守朝章化比閭風變市兒驚偃草  
雨晴郊藪謬隨車改張琴瑟移膠柱止息笙簧辨魯魚  
唯有從容期一德使齊文教奉皇居

慶雲見

夏六月准詔祭中嶽宿少林寺祭畢歸寺有慶雲

見於峰初如絳綃蒙覆上下巖樹透徹虛明照日

俄頃諸崖谷間盡祥雲紛郁綿布自午至未不散

禮成中嶽陳金丹祥報卿雲冠玉峰輕未透林疑待鳳

細非行雨詎從龍卷風變彩霏微薄照日籠光映隱

一作

映重還入九霄成沆瀣夕嵐生處鶴歸松

靈蛇見少林寺

二大松上有青蛇不知所自下馬之際忽墜於地

盤結異狀若紫組綬青光熒射逼之不怒問其寺



僧僧云嘗見因令祝以箱奩引之遂逶迤就器送  
寺外倏忽如失之

瑣文結綬靈蛇降蠖屈螭盤顧視閒鱗臧翠光抽璀璨  
腹連金彩動彎環已應蛻骨風雷後豈効銜珠草莽間  
知爾全身護崑閬不矜揮尾在常山

拜宣武軍節度使

開成元年六月二十六日制授宣武軍節度使七  
月三日中使劉泰押送旌節止洛陽五日起鎮出

都門城內少長士女相送者數萬人至白馬寺涕  
泣當車者不可止少尹嚴元容鞭胥吏市人怒其  
戀慕留臺御史杜牧使臺吏遮毆百姓令其廢祖  
帳

油幢竝入虎旗開錦橐從天鳳詔來星應魏師新鼓角  
地嫌梁苑舊池臺日暉紅旆分如電人擁青門動若雷  
伊洛鏡清迴首處是非紛雜任塵埃

到宣武三十韻

七月十二日到汴州是月鄭汴間不雨已餘月秋  
苗已悴十日至圃田天雨已餘至十二日朝旨秋  
稼頓茂軍禮亦成矣

七月趨梁苑三年謝尹京舊風除物蠹新律奉師貞龍  
節雙油重蛇矛百練明躍魚連後旆騰虎耀前旌路轉  
金神竝川開鐵馬橫擁旄差白羽分轡引紅纓在浚風  
煙接維嵩鞏洛清貫魚奔騎疾連雁卷行輕煙壘風調  
角秋原雨洗兵宿雲看布甲疎柳見分營鼓徹通宵警

和門候曉晴虎符三校列魚胄萬夫迎弄馬猿猱健奔  
車角觝呈駕肩膀隘道張幕內連楹森戟承三令攢戈  
退一聲及郊知雨過觀俗辨風行望宋憐思女遊梁念  
客卿義夫留感激公子播英名澤廣豚魚洽恩宣豈弟  
生善師忘仕智中略在推誠式宴歌鍾合陳筵綺繡并  
戲輦千卒躍均酒百壺傾樂與師徒共歡從井邑盈教  
通因漸染人悅尚和平授鉞慙分閫登壇荷列城虛衷  
朝獨坐雄劒夜孤鳴白髮侵霜變丹心捧日驚衛青終

保志潘岳未忘情期月終迷化三年詎有成  
惟看波海動天外斬長鯨

御定全唐詩卷四百八十二

欽定四庫全書

御定全唐詩卷四百八十三

李紳

江南暮春寄家

雒陽城見梅迎雪魚口橋逢雪送梅劍水寺前芳草合  
鏡湖亭上野花開江鴻斷續翻雲去海燕差池拂水回

想

一作料

得心知近寒食潛聽喜鵲望歸來

奉酬樂天立秋夕有懷見寄

深夜星漢靜秋風初報涼階簟淅瀝響露葉參差光冰

兔半升魄銅壺微滴

一作漏

長薄帷乍飄卷襟帶輕搖颺

此際

一作北除昏魂

夢清斜月滿軒房履屐步前楹劍戟

森在行重城宵正分號鼓互相望獨坐有所思夫君鸞

鳳章天津落星河一葦安可航龍泉白玉首魚服黃金

裝報國未知効惟羈徒在梁裴回顧戎旃顥氣生東方

衰葉滿欄草斑毛盈鏡霜羸牛未脫轆老馬強騰驤吟

君白雪唱慙愧已人腸



山出雲

杳靄祥雲起飄颻翠嶺新  
縈峰開石秀吐葉間松春  
林靜翻空少山明度嶺頻  
迴崖時掩鶴幽澗或隨人  
姑射朝凝雪陽臺晚伴神  
悠悠九霄上應坐玉京賓

上黨奏慶雲見

飛龍久馭宇真氣尚興雲  
五色傳嘉瑞千齡表聖君  
從風忽蕭索依漢更氛氲  
影徹天初霽光鮮日未曛  
表祥近一作來自遠垂化聚還分  
寧作無依者空傳陶令文

華山慶雲見

聖主祠名岳高峰發慶雲金柯初繚繞玉葉漸氤氲  
氣色含珠日晴光吐翠霧依稀來鶴態髣髴列仙羣  
萬樹流光影千潭寫錦文蒼生欣有望祥瑞在吾君

欲到西陵寄王行周

西陵沙岸回流急

西陵渡在蕭山縣西二十里  
錢王以陵非吉語改曰西興

船底黏

沙去岼遙驛吏述呼催下纜棹郎閒立道齊撓猶瞻伍

相青山廟

盧文輔伍子胥祠銘曰漢  
史胥山今名青山謬也

未見雙童白鶴橋

欲責舟人無次第自知貪酒過春潮

華頂

欲向仙峰煉九丹獨瞻華頂禮仙壇石標琪樹凌空碧  
水挂銀河映月寒天外鶴聲隨絳節洞中雲氣隱琅玕  
浮生未有從師地空誦仙經想羽翰

見天台勝蹟錄

鶯鶯歌

一作東飛伯勞西飛燕歌為鶯鶯作

伯勞飛遲燕飛疾垂楊綻金花笑日綠窓嬌女字鶯鶯  
金雀姬鬟年十七黃姑上天阿母在寂寞霜姿素蓮質

門掩重關蕭寺中芳草花時不曾出

贈毛仙翁

憶昔我祖神仙主  
玄元皇帝周柱史  
曾師軒黃友堯湯  
混迹和光佐周武  
周之天子無仙氣  
成武康昭都督爾  
穆王麤識神仙事  
八極輪蹄方逞志  
鶴髮韜真世不知  
日月星辰幾回死  
金鼎作丹丹化碧  
三萬六千神入宅  
仙兄受術幾千年  
已是當時駕鴻客  
海光悠容天路長  
春風玉女開宮院  
紫筆親教書姓名  
玉皇詔刻青金簡

桂窓一別三千春  
秦妃鏡裏蛾眉新  
忽控香虬天上去  
海隅劫石霄花塵  
一從仙駕辭中土  
頑日昏風老無主  
九州爭奪無時休  
八駿垂頭避豺<sub>一作狼</sub>  
虎我亦玄元千  
世孫眼穿望斷蒼煙根  
花麟白鳳竟冥冥  
飛春走月勞神昏  
百年命促奔馬疾  
愁腸盤結心摧崕  
今朝稽首拜仙兄  
願贈丹砂化秋骨

和晉公三首

鳳儀常欲附蚊力  
自知微願假罇壘  
末膺門自此依

貂蟬公獨步鴛鴦我同羣插羽先飛酒交鋒便著文  
窮陰初莽蒼離思漸氤氲殘雪午橋岾斜陽伊水濱

古風

一作農

二首

春種一粒粟秋成

一作收

萬顆子四海無閒田農夫猶餓

死

鋤禾日當午汗滴禾下土誰知盤中餐粒粒皆辛苦

柳二首

陶令門前甯接羅亞夫營裏拂朱旗人事推移無舊物

年年春至綠垂絲

一作絲垂

千條垂

一作楊

柳拂金絲日暖牽風葉學眉愁見花飛狂

一作狂飛

不定還同輕薄五陵兒

題白樂天文集

樂天藏書東都聖善寺號白氏文集紳作詩以美之

寄玉蓮花藏絨珠貝葉局院閒容容讀講倦許僧聽部  
列雕金榜題存刻石銘永添鴻寶集莫雜小乘經

答章孝標

假金方用真金鍍若是真金不鍍金十載長安得第一

何須空腹用高心

來詩有金湯  
鍛了之句

朱槿花

瘴煙長暖無霜雪  
槿艷繁花滿樹紅  
每歎芳菲四時厭  
不知開落有春風

至潭州聞猿

昔陪天上三清客  
今作端州萬里人  
湘浦更聞猿夜嘯  
斷腸無淚可霑巾

江亭



瘴江昏霧連天合欲作家書更斷腸今日病身悲狀候  
豈能埋骨向炎荒

紅蕉花

紅蕉花樣炎方識瘴水溪邊色最深葉滿叢深殷似火  
不唯燒眼更燒心

憶漢月

花開花落無時節春去春來有底憑燕子不藏雷不蟄  
燭煙昏霧暗騰騰

端州江亭得家書二首

雨中鵲語喧江樹  
風處蛛絲颺水潄  
開拆遠書何事喜  
數行家信抵千金

長安別日春風早  
嶺外今來白露秋  
莫道淮南悲木葉  
不聞搖落更堪愁

聞猿

見說三聲巴峽深  
此時行者盡沾襟  
端州江口連雲處  
始信哀猿傷客心

贈韋金吾

自報金吾主禁兵  
腰間寶劍重橫行  
接輿也是狂歌客  
更就將軍乞一聲

長門怨

宮殿沈沈曉欲分  
昭陽更漏不堪聞  
珊瑚枕上千行淚  
不是思君是恨君

龜山寺魚池

汲水添池活白蓮  
十年髣髴盡生天  
凡庸不識慈悲意

自葬江魚入九泉

剃髮多緣是代耕  
好聞人死惡人生  
祇園說法無高下  
爾輩何勞尚世情

賦月

白樂天分司東洛朝賢悉會興  
化亭送別酒酣各請一字至七字詩以題爲韻

月光輝皎潔耀乾坤  
靜空濶圓滿中秋玩爭詩  
哲玉兔鎬難穿挂枝人  
共折萬象照乃無私瓊臺  
豈遮君謁抱


琴對彈別鶴聲不得知音聲不切

句

君咏風月夕余當童稚年間窓讀書罷偷咏左司篇

韋應

物爲滁州刺史有登北樓詩紳後爲刺史繼和存句止此見方輿覽勝



御定全唐詩卷四百八十三

# 欽定四庫全書

集部

御定全唐詩卷四百八十六

詳校官庶吉士臣胡 鉉

主事銜臣徐以坤覆勘

總校官知縣臣繆 琪

校對官中書臣金光悌

謄錄監生臣俞 鳳

欽定四庫全書

御定全唐詩卷四百八十四

崔公信

崔公信元和元年進士第張洪靖帥太原辟為掌記後  
改觀察判官加授殿中侍御史詩一首

和太原張相公山亭懷古

疊石狀崖巘翠含城上樓前移廬霍峰遠帶沅湘流瀟  
灑玉人靜蠶緣芳徑幽清輝在昏旦豈異東山游



楊虞卿

楊虞卿字師皋弘農人元和五年擢進士第為校書郎  
擢監察御史牛僧儒李宗閔輔政引為弘文館學士給  
事中號為黨魁歷工部侍郎京兆尹貶虔州司戶卒詩  
一首

過小妓英英墓

蕭晨騎馬出皇都聞說埋冤在路隅別我已為泉下土  
思君猶似掌中珠四絃品柱聲初絕三尺孤墳草已枯

蘭質蕙心何所在焉知過者是狂夫

句

河勢崑崙遠山形菡萏秋

過華作

楊汝士

楊汝士字慕巢虞鄉從弟元和四年擢進士第牛僧儒  
李宗閔待之善引為中書舍人開成初由兵部侍郎出  
鎮東川入為吏部侍郎終刑部尚書詩七首

和段相公登武擔寺西臺

清淨此道宮層臺復倚空偶時三伏外列席九霄中平  
視雲端路高臨樹杪風自憐榮末座前日別池籠

和段相公夏登張儀樓

從公城上來秋近絕纖埃樓古秦規在江分蜀望開遠  
山標宿雪末席本寒灰陪賞今為忝臨歡敢訴枯

和宗人尚書嗣復祠祭武侯畢題臨淮公舊碑  
古栢森然地修嚴蜀相祠一過榮異代三顧盛當時功  
德流何遠馨香薦未衰敬名探國志飾像慰眈思昔謁

從征蓋今聞擁信旗固宜光寵下有淚刻前碑

宴楊僕射新昌里第

隔坐應須賜御屏盡將仙翰入高冥文章舊價留鸞掖  
桃李新陰在鯉庭再歲生徒陳賀宴一時良史盡傳馨  
當時疏廣一作傳雖云盛詎有茲筵醉綠醺

建節後偶作

拋却弓刀上砌臺上方臺榭與雲開山僧見我衣裳窄  
知道新從戰地來

題畫山水

太華峰前是故鄉  
路人遙指讀書堂  
如今老大騎官馬  
羞向關西道姓楊

賀筵占贈營妓

北里誌汝士鎮東川其子知溫及第開家宴相賀營妓咸集命

人與紅綾一疋

郎君得意及青春  
蜀國將軍又不貧  
一曲高歌紅一作綾  
一疋兩頭娘子謝夫人

句

昔日蘭亭無豔質此時金谷有高人

裴令公居守東洛夜宴半酣公索句

元白有得色時公為破題次至汝士云云白知不能加遽裂之曰笙歌鼎沸勿作冷淡生活元顧白曰樂天所謂能全其名者也

### 陳至

陳至元和四年及第詩二首

#### 賦得芙蓉出水

菡萏迎秋吐天搖映水濱劍芒開寶匣峰影寫蒲津下

覆

一作照

參差行高辭苒弱蘋自當巢翠甲非止戲頰鱗

莫以時先後而言色故新芳香正堪翫誰報涉江人

薦水

凌寒開酒涸寢廟致精誠色靜澄三酒光寒肅兩楹形  
鹽非近進玉豆為潛英禮自春分展堅從北陸成藉茅  
心共結出鑑水漸一作暫明幸得來觀薦靈臺一小生

句

藻井尚寒龍跡在紅樓初施日光通

紅樓院

趙蕃

趙蕃元和進士第詩二首

薦水

仲月開凌室齋心感聖情  
寒姿分玉坐皓彩發丹楹  
積素因風壯虛空向日明  
遙涵牕戶冷近映冕旒清  
在掌光逾澈當軒質自輕  
良辰方可致由此表精誠

老人星

大史占南極秋分見壽星  
增輝延寶歷發曜起祥經  
灼爍依狼地昭彰近帝庭  
高懸方杳杳孤白乍熒熒  
應見



光新吐休徵德自形既能符聖祚從此表遐齡

御定全唐詩卷四百八十四

欽定四庫全書

御定全唐詩卷四百八十五

鮑溶

鮑溶字德源元和進士第與韓愈李正封孟郊友善集  
五卷今編詩三卷

古意

一作怨詩

女蘿寄青松

一作松柏綠一作綠絲

蔓花綿綿三五定君婚結髮

早移天肅肅羔

一作羊

鴈禮泠泠琴瑟篇恭承采蘋祀敢

効同車

一作居

賢皎日不留景良辰

一作時

如逝川愁

一作秋

心忽

一作還

移愛花

一作春

貌無歸妍翠袖皓珠

一作洗朱粉

碧

階封綠

一作綺

錢新人易如玉廢瑟難為絃寄謝

一作美

薜

華木榮君香閣

一作閣

前豈無搖落苦貴與根蒂連希君

舊光景照妾薄暮年

蕭史圖歌

霜綃數幅八月天綵龍引鳳堂堂然小載蕭僊穆公女  
隨仙上歸玉京去仙路迢迢煙幾重女衣清淨雲三素

胡髯耗珊雲髻

一作  
鬢

光翠粧皎潔瓊華涼露痕煙跡漬

紅

一作  
清江

貌疑別秦宮初斷腸此天

一作  
去

每在西北

一作  
北斗

上紫霄洞客曉煙

一作  
相

望

### 會仙歌

輕輕濛濛龍言鳳語何從容耳有響兮目無踪杳杳默

默花張錦織王母初自崑崙來茅盈王方平在側青毛

仙鳥銜錦符謹上阿

一本有  
母字

環起居王母書始知僊事

亦多故一隔絳

一作  
銀

河千歲

一作東  
海十年

餘詳

一作  
祥

玉字多

喜氣瑤臺明月來墮地冠劍低昂蹈舞頻禮容盡若君  
臣事願言小仙藝姓名許飛瓊洞陰玉磬敲天聲樂王  
母一送玉杯長命酒碧花醉靈揚揚笑賜二子長生方  
二子未及伸拜謝蒼蒼上兮皇皇下

李夫人歌

璿閨羽帳華燭陳方士夜降夫人神葳蕤半露芙蓉色  
窈窕將期環珮身麗如三五月可望難親近嚙黛含犀

一作  
淒 竟 一作翠黛  
含顰意

不言春思秋怨誰能問欲求巧笑如

生時歌塵在瑟空，銜絲神來未及夢相見。一作及夢相見苦帝

比初亡心更悲，愛之欲其生又死東流。一作萬代無迴

水宮漏丁丁，夜向晨煙消霧。一作散愁方士

### 水殿采菱歌

宮鴉叫赤光，潮聲入宮宮影涼。火華啼露卷橫塘，金堤

四合宛柔揚。一作垂揚美人荷裙芙蓉妝，柔。一本此字缺菱繁霧

權龍航采菱，一聲歌態長青絲。結眼捕鴛鴦

### 周先生畫洞庭歌

江南客水為鄉舟為宅能以筆鋒知地脈閒分楚水入  
丹青不下此堂臨洞庭水文不浪煙不動木末稜稜山  
碧重帝子應哀窈窕雲客人似得嬋娟夢六月火光衣  
上生齋心寂聽潺湲聲林水搖鏡水拂簾盡日獨卧秋  
風清因遊洞庭不出戶疑君如有長生路玉壺先生在  
何處

霓裳羽衣歌

玉煙生窗午

一作下

輕凝晨華左耀鮮相凌人言天孫機

上親手迹有時怨別無所惜遂令武帝厭雲韶金針天  
絲綴飄飄五聲寫出心中見拊石喧金栢梁殿此衣春  
日賜何人秦女腰肢輕若燕香風間一作旋衆彩隨聯  
聯珍珠貫長絲眼前意是三清客星宿離離遶身白鸞  
鳳有聲不見身出宮入徵隨伶人神仙如月只可望瑤  
華池頭幾惆悵喬山一閉曲未終鼎湖秋驚白頭浪

寓興

念來若望神追往如話夢夢神不一作

本無跡誰使煩心



用魯聖虛泣麟楚狂浪歌鳳那言阮家子更作窮途慟

遊山

白道行深雲雲高路彌細時時天上客遺路人間世煙  
花最深處井臼得空刺天寒鶴巢林石長泉脈閉神化  
萬靈集心期一朝契不見金板書誰知阮家裔終期太  
古人問取松柏歲

隋宮

御街多行客

一作行客路

行客悲春風楚

一作野

老幾代人種

田場帝宮零落池臺勢高低禾黍中

懷仙二首

崑崙九層臺臺上宮城峻西母持地圖東來獻虞舜虞  
宮禮成後迴駕仙風順十二樓上人笙歌沸天引裴迴  
扶桑路白日生離恨青鳥更不來麻姑斷書信乃知東  
海水清淺誰能問

閭峯綺閣

一作崑崙九層

幾千丈瑤水西

一作四

流十二城曾見

一作心美

周靈王太子碧桃花下自

一作學

吹笙

懷遠人

遠道在天際客行如浮雲浮雲不知歸似我長望君秋  
至漢水高南音何時聞瑶草難遠寄西風氣氤氲常恐  
山岳遊不反鸞鳳羣無厭坐遲人風雨驚斯文

懷尹真人

萬里疊嶂翠一心浮雲閒羽人杏花發倚樹紅瓊顏流  
水杳冥外女蘿陰陰間却思人間世多恐不可還青鳥  
飛難遠春雲晴不閑但恐五雲車山上復有山

秋晚銅山道中宿隱者

我鄉山川遙秋晚空景促天明共雲散日落依鳥宿主  
人逃名子鶴髮卧空谷野言得真風山貌宜古服喜於  
無聲地暫傲羲皇俗秋窗照疎螢寒犬吠落木朝隱留  
此處一點天邊宿今憶見此時添悲覽止足遲遲清夜  
晝幽路出深竹笑謝萬戶侯余將耻干祿

感懷

宿心不覺遠事去勞追憶曠古川上懷東流幾時息門

前青山路眼見歸不得曉夢雲月光過秋蘭蕙色

經秦皇墓

左岡青虬盤右坂白虎踞誰識此中陵祖龍藏身處別  
為一天地下入三泉路珠華翔青鳥玉影耀白兔山河  
一易姓萬事隨人去白晝盜開陵玄冬火焚樹哀哉送  
死厚乃為棄身具死者不復知回看一作首漢文墓

將歸舊山留別孟郊

擇木無利刀羨魚無巧綸如何不量力自取中路貧前

者不厭耕一日不離親今來千里外我心不在身悠悠  
慈母心惟願才如人蠶桑能幾許衣服常著新一飯吐  
尺絲誰見此殷勤別君歸耕去持火燒車輪

留辭

一作別

杜員外式方

東風吹旅懷鄉夢無夜無慚見

一作嘆

君子堂貧思上歸

途海岳泛念深消塵復何須婆娑不在本

一作材木

屈曲無

弦弧惻惻奉離尊承歡獨向隅時當鳳來日孰用雞鳴

夫

一本無此二句

回首九仙門皇家在玉壺慙非海人別淚下

不成珠

長城

蒙公

一作恬

虜生人北築秦氏

一作民

冤禍興蕭牆內萬里

防禍根

一作源

城成六國亡宮闕啟

一作觀

千門

一作年

人半為土何用空中原奈何家天下

一作天

骨肉尚無

一作酬

恩投沙擁海水安得久不翻乘高慘人魂寒日易

黃昏枯骨貫朽鐵

一作朽木

砂中如自

一作

有言萬古

一作

歲

驪山下

一作葬

徒悲

一作誰知

野火燭

蔡平喜遇河陽馬判官寬話別

從事東軍正四年相逢且喜偃兵前  
看尋狡兔翻三窟見射妖星落九天  
江上柳營迴鼓角河陽花府望神仙  
秋風蕭颯醉中別白馬嘶霜鴈叫煙

寄福州從事殷堯藩

越嶺寒輕物象殊海城臺閣似蓬壺  
幾迴入市鮫綃女終歲啼花山鷓鴣  
雷令劒龍知去未虎夷雲鶴亦來無  
就中靜事冥宵話何惜雙輪訪病夫



壯士行

西方太白高壯士羞病死心知報恩處對酒歌易水沙  
鴻嗶天末橫劒別妻子蘇武執節歸班超東書起山河  
不足重重在遇知己

章華宮行

煙渚南鴻呼曉羣章華宮娥怨行雲十二巫峯仰天綠  
金車何處邀雲宿小腰婁墮三千人宮衣水碧顏青春  
豈無一人似神女忍使黛蛾常不伸黛蛾不伸猶自可

春朝諸處門常鎖

倚瑟行

金輿傳驚

一作警

灞漦水

一作水涯

龍旗參天行殿巍左文皇

帝右慎姬北面侍臣張釋之因高知處邯鄲道壽陵已

見生秋草萬世何人不此歸一言出口堪生老高歌倚

瑟流

一作揚

清悲徐樂

一作樂餘

哀生知為誰臣驚歡

一作謠

歎

不可放

一作望

願賜一言釋名妄明珠為日紅亭亭水銀

為河玉為星泉宮一閉秦國喪牧童弄火

一作笛

驪山上

與世無情在速貧棄尸于野由斯葬生死茫茫不可知

視一作是

不一姓君莫悲始皇有訓二世哲

一作誓

君獨何

人至於斯

一本無上四句

灞陵一代無發毀儉風本是張廷尉

辭輦行

漢家代久淳風薄帝重微行極荒樂青娥三千奉一人  
班女不以色事君朝停玉輦詔同載三十六宮皆眴眄  
不驚六馬緩天儀從容鳴環前致辭君恩如海深難竭  
妾命如絲輕易絕願陪阿母同小星敢使太陽齊萬物

周末幽王不可宗妾聞上聖遺休風五更三老侍白日  
八十一女居深宮願將輦內有餘席迴賜忠臣妾恩澤  
一時節義動賢君千年名姓香氣氤漸臺水死何傷聞

巢鳥行

鳥生幾子林蕭條雄鳥求食雌守巢夜愁風雨巢傾覆  
常見一鳥巢下宿日長雛飢雄未迴雌鳥下巢去哀哀  
野田春盡少遺穀尋食不得飢飛來黃雀亦引數青雀  
雀飛未遠鳥驚落既分青雀噉爾雛爾雛雖長心何如

將飛不飛猶未忍  
古瑟寫哀哀不盡殺生養生復養生  
嗚嗚嘖嘖何時平

姑蘇宮行

姑蘇宮九層金臺半虛空  
雕楹璇題闕皎潔中有妖姬  
似明月西見洞庭秋  
鏡開水華百里盤宮來越王采女  
能水戲仙舟如龍旌曳翠羽  
蓋晴翻橘柚香玉笙夜送  
芙蓉醉歸帆平靜一作淨  
君無勞還從下下上高高

悲哉行

促促晨復昏死生同一源貴年不懼老賤老一作者傷久

存朗朗哭前歌絳旌引幽魂來為千金子去卧百草根

黃土塞生路悲風送回轅一作輪金鞍舊良馬四顧不入

一作出門生結千歲一作載念榮華及百孫一作榮及百代孫黃金

買性命白刃酬一作憚一言寧知北山下松柏侵田園

元日早朝行一作鮑防詩末有師曠應律十句旌旗不斷二句無

乾元發生春為宗盛德在天斗建東東方歲星大明宮

南山喜氣搖晴空望雲五等舞萬玉獻壽一聲出千峯

文章垂彩禮樂正太白

一作平

下直旌旗紅旌旗不斷一作

直旌  
斷爾

春風前直如朱繩非爾妍

秋懷五首

促促生有涯營營意無限無限意未申有涯生已晚恩  
榮不可恃天道歸寸管老如影隨人時若車下坂行者  
歸期盡居人心更遠涼風日蕭條親戚長在眼多憂知  
無奈聖賢莫能免客鳥投本枝生生復深淺

秋曉客迢迢月清風楚楚草蟲夜侵我唧唧牀下語流

年白日馳微願不我與心如縑絲綸展轉多頭緒憑觴  
散煩襟援瑟清夜拊迴感帝子心空堂有煙雨絲減悲  
不減器新聲更古一絃有餘哀何況二十五

九月夜如年幽房勞別夢不知別日遠夜夜猶相送玉  
牀暗蟲響錦席寒淚凍明鏡失舊人空林誤歸鳳新年  
堪愛惜錦字亦珍重一念皎皎時幽襟非所用

金氣白日來踈黃滿河關平居乏愉悅況復身險艱一  
憶故鄉居一望客人還兩心四海中誰不傷朱顏雙燕



不巢樹浮萍不出山性命君由天安得易其間休悲砌  
蟲苦此日無人間

龍荒變露色燕鴈

一作雀

南為客遊子聲影中涕零念離

析四時如車馬轉此今與昔往歎在空中存事委幽迹  
翩翩日斂照朗朗月繫夕物生春不留年壯老還迫天  
機杳何為長壽與松栢

秋夜對月懷李正封

援琴悵獨立高月對秋堂美人遠於月徒望空景光坐

憶

一作感  
又作敢

執手時七絃起淒涼平生知音少君子安可

忘客意如夢寐路岐遍四方日遠迷所之滿天心暗傷  
主奉二鯉魚中含五文章惜無千金荅愁思盈中腸此  
夕臨風歎零露露衣裳

廬山石鏡

東巖採薇人巖際朝見月怪墮幽蘿間非時更澄徹綠  
蘿就玉兔再與高鳥歇清光照掌中始悟石上發誰傳  
陰陽火鑄此天地物深影藏半山虛輪帶凝雪早迴謝

公賞今遇樵夫說白日乘綵霞翩翩對容髮我圖辨鬼  
魅信美留煙闕形神乍相逢竟夕難取別如其終身照  
可化黃金骨

與峨嵋山道士期盡日不至

傾景安再中人生有

一作又

何常胡為少君別風馭峨嵋

陽結我千日期青山故人堂期盡師不至望雲空燒香  
顧慙有限身易老白日光懷君屢驚歎支體安能強往  
聞清修錄未究服食方瑤田有靈芝眼見不得嘗玉壺

貯天地歲月亦已長若用壺中景東溟又堪傷寄言赤  
玉簫夜夜吹清商

述德上太原嚴尚書綬

一作王尚書無綬字

帝命河嶽神降靈翼軒轅天王委管籥開閉秦北門頂

戴日月光

一作華

口宣

一作沾濡

雨露言甲馬不及汗天驕自

亡魂清

一作青

塚入內地黃河窮本源風雲寢氣象鳥獸

翔旗旛軍人歌無胡長劔倚崑崙終古鞭血地到今耕

稼繁樵客天一畔何由拜旌軒願請執御臣為公動朱

幡豈令羣荒外尚有辜帝恩  
願陳田舍歌暫息四座喧  
條桑去附枝雜草絕本根  
可惜漢公主哀哀嫁烏孫

山中懷劉修

松老秋意孤夜涼吟風水  
山人在遠道相憶中夜起  
春光如不至幽蘭含香死  
響象離鶴情念來一相似  
月斜掩扉臥又在夢魂裏

塞下

一作上

北朔一作風號薊門殺氣日夜興  
咸陽三千里驛馬如飢

鷹行子久去鄉逢

一作見

山不敢登寒日慘大野虜雲若

飛鵬西北防秋軍麾幢宿層層

一作冰

匈奴天未喪戰鼓

長登登

一作騰騰

漢卒馬上老繁纓空絲繩誠知天所驕欲

罷又不能

### 送僧南遊

且攀隋宮柳莫憶

一作惜

江南春師有懷鄉志未為無事

人

### 行路難

玉堂向夕如無人絲竹儼然宮商死細人何言入君耳  
塵生金罇酒如水君今不念歲蹉跎鴈天明明涼露多  
華燈清凝久照夜綵僮窈窕虛垂蘿一作羅入宮見妒君  
不察暮一作莫入此地生風波此時不樂早休息女顏易  
老君如何

子規

中林子規啼云是古蜀帝蜀帝胡為鳥驚急如罪戾一  
啼豔陽節春色亦可替再啼孟夏林密葉堪委翳三啼

涼秋曉百卉無生意四啼玄冥冬雲物慘不霽芸黃壯

士髮

一作  
鬢

沾

一作  
淚

灑妖姬袂悲深寒烏雛哀掩病鶴翅

胡為託幽命庇質無完義戚戚含至冤卑卑忌羣勢吾

聞鳳皇長羽族皆受制盍分翡翠毛使學鸚鵡慧敵怨

不在弦一哀尚能繼那令不知休泣血經世世古風失

中和衰代因鄭衛三歎尚淫哀向渴嘻流涕如因異聲

感樂與中腸契至教一昏蕪生人遂危脆古意歎通近

如上青天際荼蓼久已甘空勞董葵惠誰聞子規苦思



與正聲計

秋夜聞鄭山人彈楚妃怨

明月搖落夜深堂清淨絃中間楚妃奏十指哀嬋娟寥  
寥夜含風蕩蕩意如泉寂寞物無象依稀語空煙旅人  
多西望客鴈難南前由來感神事豈為無情傳容華能  
幾時不再來者年此夕河漢上雙星含淒然

憶舊遊

憶求無何鄉了在赤谷村仙人居其中將往問所存日

入濛汜宿石煙抱山門明月久不下半峯照啼猿堂上  
白鶴翁神清心無煩齋心侍席前跪請長生恩云昔崆  
峒老何詞受軒轅從星使變化任日張乾坤若到舊鄉  
里宛如曾討論風移嵩花氣珠貫金經言涼夜惜易盡  
青煙謝晨喧自唯腥臚體難久留其藩幾世身在夢百  
年雲無根悠悠竟何事一本無上二句愚智相憂寬歎息幾晚  
寤蒙師招其魂至今瑤華心每想清水源

白露

清蟬暫休響豐露還移色金甌爽晨華玉壺增夜刻已  
低疎螢燄稍減哀蟬力迎社促燕心助風勞鴈翼一悲  
紈扇情再想清淺憶高高拜月歸軋軋挑燈織盈盈玉  
盤淚何處無消息

經隱叟

行謁門外泉坐披牀上雲誰將許由事萬古留與君虛  
洞閉金鑠蠹簡藏烏文蘿景深的的蕙風閒薰薰余有  
世上心此來未及羣殷勤諱名姓莫遣樵客聞

秋暮

一作日

山中懷李端公益

一本益字在端公上

舊事與日遠秋花仍舊香前年繡衣客此節過此堂侍

臣不自高笑脫

一作解

繡衣裳眠雲有餘態

一作意

入鳥不

亂行我恐雲嵐色損君鞍馬光君言此何言且共覆前

觴古人重一笑買日輕金裝日盡秉燭遊千年不能忘

一本無上六句

君言此何言明

一作今

日皆異鄉明日非今日山

下一作下山道路長一從山下

一作去

來天地再炎涼此中會

一作期果難得夢君馬玄黃

苦哉遠征人

一本苦哉上有擬古二字

征人歌古曲攜手上河梁李陵死別處杳杳玄

一作冥去

鄉憶昔從此路連年征鬼方久行迷漢歷三死

一作洗 羶

衣裳百戰身且在微功信難忘遠承雲臺議非勢孰敢

當落日弔李廣白首

一作身

過河陽閒弓矢月影勞劒無

龍光去日始束髮今來髮成霜虛名乃閒事生見父母鄉掩抑大風歌裴回少年場誠哉古人言烏盡良弓藏

悼豆盧策先輩

喪車出東門生時馬無力何處入黃泉嵩高山西北室  
人萬里外久望君官職今與牽衣兒翻號死消息平生  
江海上我不空相識遠客迷畏途孤鴻傷一翼行將難  
黍祭已是烏鳶食勸酒執御郎行人有哀色先悲三尺  
土經歲哭不得眼前雙雙流故袂安可拭一拜隔千里  
生人意何極唯有陽春曲永播清玉德

首夏

昨日青春去晚峯尚含妍雖留有餘態脈脈防憂煎幽

人惜時節對此感流年

寄天台準公

赤城橋東見月夜佛隴寺邊行  
月僧閒蹋莓苔繞琪樹  
海光清淨對心燈

送僧東遊

風流東晉後外學入僧家  
獨唱郢中雪還遊天際霞  
雲村共香飯水月喻一作國渝  
秋花景物添新致前程詎可涯

送僧之宣城

昔從謝太守賓客宛陵城有日持齋戒高僧識姓名秋  
風送客去安得盡忘情

宣城北樓昔從順陽公會於此

詩樓郡城北窗牖敬亭山幾步塵埃隔終朝世界閒憑  
師看粉壁名姓在其間

東高峯

一作東  
峯亭

東亭最高峙春樹繞山腰盡裏青鸞客雲中碧玉簫秋  
風若西望為我一長謠



禪定寺經院

蓮華不朽寺

一作字

雕刻滿山根石汗知天雨金泥落聖

言思量施金客千古獨銷魂

范真傳

一作傳真

侍御累有寄因奉酬十首

昨日新花紅滿眼今朝美酒綠留人  
更宜明月含芳露  
憑仗蕭郎夜賞春

白雪翦花朱蠟蒂折花傳笑惜春人  
請君白日留明日

一作月

一醉春風

一作風光

莫厭頻

雲髻鳳文細

一作細

對君歌

一作俱

少年萬

一作兼

金酬一顧

一作願  
一作飲

可惜十千錢

玉管傾杯樂春園鬪草情野花無限意處處逐人行

聞道中山酒一杯千日醒

一作醒

黃鶯似傳語勸酒太叮

嚀

紅袂歌聲起因君始得聞黃昏小垂手與我駐浮雲

相勸醉年華莫醒春日斜春風宛陵道萬里晉陽花

碧綠草紫堤紅藍花滿溪願君常踐蹋

一作路

莫使暗萎

萋

萋萋巫峽雲楚客莫留恩  
歲久晉陽道誰能向太原

歲酒

一作幾日

勸屠蘇楚聲山鷓鴣  
春風入君意千日不須

史

御定全唐詩卷四百八十五

雲髻鳳文細

一作細

對君歌

一作俱

少年萬

一作兼

金酬一顧

一作願

可惜十千錢

玉管傾杯樂春園關草情野花無限意處處逐人行

聞道中山酒一杯十日醒

一作醒

黃鶯似傳語勸酒太叮

嚀

紅袂歌聲起因君始得聞黃昏小垂手與我駐浮雲

相勸醉年華莫醒春日斜春風宛陵道萬里晉陽花

碧綠草縈堤紅藍花滿溪願君常踐蹋

一作路

莫使暗萎

萋

萋萋巫峽雲楚客莫留恩  
歲久晉陽道誰能向太原

歲酒

一作  
幾日

勸屠蘇楚聲山鷓鴣  
春風入君意千日不須

史

御定全唐詩卷四百八十五